

ՄԻԱՄՆԱԿԱՆ ՔՆՆՈՒԹՅՈՒՆ

2025

ՀՈՒՆԻՍ

ՀԱՅՈՑ ՊԱՏՄՈՒԹՅՈՒՆ

ԹԵՍՏ 1

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության:
Ուշադիր կարդացե՛ք յուրաքանչյուր առաջադրանք և պատասխանների առաջարկվող
տարբերակները: Եթե Ձեզ չի հաջողվում որևէ առաջադրանքի անմիջապես
պատասխանել, ժամանակը խնայելու նպատակով կարող եք այն բաց թողնել և դրան
անդրադառնալ ավելի ուշ:

Ձեր առջև դրված թեստ-գրքույկի էջերի դատարկ մասերը ազատորեն կարող եք
օգտագործել սևագրության համար: **Թեստ-գրքույկը չի ստուգվում: Ստուգվում է միայն
պատասխանների ձևաթուղթը:**

Առաջադրանքները կատարելուց հետո չմոռանա՛ք պատասխանները ուշադիր և
խնամքով նշել պատասխանների ձևաթղթում: Պատասխանների ձևաթղթի ճիշտ
լրացումից է կախված Ձեր քննական միավորը:

Մաղթում ենք հաջողություն:

Ա ՄԱԿԱՐԴԱԿ

- 1 Ասորեստանյան արձանագրություններում ե՞րբ է առաջին անգամ հիշատակվել «Նաիրի» երկրանունը:
- 1) Ք. ա. XII դարի առաջին կեսին
 - 2) Ք. ա. XIII դարի երկրորդ կեսին
 - 3) Ք. ա. XIII դարի առաջին կեսին
 - 4) Ք. ա. XII դարի երկրորդ կեսին
- 2 Վահան Ամատունին ո՞ր թվականին է Մեսրոպ Մաշտոցի դամբարանի վրա եկեղեցի կառուցել:
- 1) 444 թ.
 - 2) 445 թ.
 - 3) 442 թ.
 - 4) 443 թ.
- 3 Ե՞րբ է Հովսեփ Էմինը ճանապարհվել Պետերբուրգ և Ռուսաստանի վարչապետին ներկայացրել Հայաստանի ազատագրության իր ծրագիրը:
- 1) 1761 թ.
 - 2) 1760 թ.
 - 3) 1762 թ.
 - 4) 1759 թ.
- 4 Անգլիացի գեներալ Դևին և Դրոն ե՞րբ են ստորագրել Շարուր-Նախիջևանը Հայաստանի Հանրապետությանը թողնելու մասին հրամանը:
- 1) 1919 թ. փետրվարին
 - 2) 1920 թ. ապրիլին
 - 3) 1919 թ. ապրիլին
 - 4) 1919 թ. մայիսին
- 5 Ո՞ր թվականին Թիգլաթպալասար III-ը կարողացավ կասեցնել դեպի Բաբելոն շարժվող Վանի թագավորության զորքերը:
- 1) Ք. ա. 725 թ.
 - 2) Ք. ա. 743 թ.
 - 3) Ք. ա. 731 թ.
 - 4) Ք. ա. 735 թ.
- 6 Ո՞ր թվականին է Կիլիկիայի հայոց գահը Հեթումյաններից անցել Նորեցիներին:
- 1) 1342 թ.
 - 2) 1362 թ.
 - 3) 1344 թ.
 - 4) 1345 թ.

7 Սայքսը և Պիկոն ե՞րբ են Սազունովին հանձնել Օսմանյան կայսրության տիրույթների բաժանման վերաբերյալ համաձայնության նախնական տարբերակը:

- 1) 1916 թ. մարտի 16–ին
- 2) 1916 թ. մարտի 9–ին
- 3) 1915 թ. դեկտեմբերի 16–ին
- 4) 1916 թ. մայիսի 16–ին

8 Ե՞րբ է ստեղծվել «Ղարաբաղ» կոմիտեն:

- 1) 1988 թ. փետրվարի 22–ին
- 2) 1989 թ. մայիսի 25–ին
- 3) 1988 թ. փետրվարի 24–ին
- 4) 1988 թ. մայիսի 31–ին

9 Ո՞վ էր հայոց իշխանն ու սպարապետը 748–750 թթ. ապստամբության սկզբին:

- 1) Գրիգոր Մամիկոնյանը
- 2) Սմբատ Բագրատունին
- 3) Մուշեղ Մամիկոնյանը
- 4) Աշոտ Բագրատունին

10 Առաջին աշխարհամարտի Կովկասյան ճակատում ռուսական զորքին փոխարինած հայկական զորքի թիվը որքա՞ն էր 1918 թ. մայիսի սկզբի դրությամբ:

- 1) 13-15 հազար
- 2) 32-33 հազար
- 3) 25-27 հազար
- 4) 42-43 հազար

11 Ըստ Պատմահոր գրածի՝ ո՞ւմ էր վստահել Արտաշես Բարեպաշտը հայոց զորքի հյուսիսային մասը:

- 1) Սմբատին
- 2) Զարեհին
- 3) Վրույրին
- 4) Տիրանին

12 Թվարկվածներից ո՞րն է Աբգար դպիր Թոխաթեցին տպագրել Վենետիկում:

- 1) «Ս. Ժամագիրք-պատարագամատոյց»
- 2) «Խառնայփնթուր տումարի. գեղեցիկ և պիտանի»
- 3) «Տօնացոյց»
- 4) «Տաղարան»

13 Կ. Պոլսում 1896 թ. օգոստոսի երկրորդ կեսին տեղի ունեցած ջարդերի ժամանակ որքա՞ն հայ է զոհվել:

- 1) 25 000
- 2) 20 000
- 3) 10 000
- 4) 15 000

14 Ա. Բեկզադյանը ի՞նչ էր առաջարկել 1921 թ. հունիսի 25–27–ին Թիֆլիսում կայացած անդրկովկասյան հանրապետությունների սահմանները որոշող հանձնաժողովի նիստում:

- 1) ՀՍԽՀ–ին միացնել Նախիջևանը, Լեռնային Ղարաբաղը և Ախալքալաքի գավառը
- 2) ՀՍԽՀ–ին միացնել Լոռին, Ջանգեզուրը և Ախալցխայի գավառը
- 3) Խորհրդային Հայաստանին միացնել Ջանգեզուրը, Նախիջևանը և Ջավախքը
- 4) ՀՍԽՀ–ին միացնել Լեռնային Ղարաբաղը, Լոռին և Ախալքալաքի գավառը

15 XII դարում որքա՞ն բերդ և ամրոց կար Սյունիքի թագավորությունում:

- 1) 43
- 2) 52
- 3) 72
- 4) 40

16 Ո՞վ է «Բազմաչափ օբյեկտ» կտավի հեղինակը:

- 1) Ռուդոլֆ Խաչատրյանը
- 2) Մինաս Ավետիսյանը
- 3) Փարավոն Միրզոյանը
- 4) Սարգիս Մուրադյանը

17 Ո՞վ է մեջբերված խոսքի հեղինակը:
«Հայաստանն... աճել է Արտաշեսի ջանքերով..., և ուստի այստեղ բոլորը միալեզու են»:

- 1) Պոլիբիոսը
- 2) Ստրաբոնը
- 3) Պլուտարքոսը
- 4) Ապպիանոսը

18 Ո՞վ է մեջբերված խոսքի հեղինակը:

«Գալստյանի անունը մենք կմտցնենք հերոսների՝ Լենինգրադի պաշտպանների անջնջելի ցուցակում և կհիշենք նրան ընդմիշտ»:

- 1) Նիկիտա Խրուշչովը
- 2) Իվան Իսակովը
- 3) Նիկոլայ Տիխոնովը
- 4) Իոսիֆ Ստալինը

19 Տերմինների կամ հասկացությունների բացատրություններից ո՞րն է ճիշտ:

- 1) Հայ պատմիչների վկայած՝ հայկական նախամաշտոցյան այբուբենը գիտության մեջ պայմանականորեն ստացել է «դանիելյան նշանագրեր» անվանումը:
- 2) Միջագետքի հյուսիսային, Իրանական սարահարթի հյուսիսարևմտյան, Փոքր Ասիայի արևելյան շրջանները և Հայկական լեռնաշխարհն ընդգրկող տարածքը հայտնի է «հնդեվրոպական հայրենիք» անունով:
- 3) Զրադաշտական կրոնի սպասավորները կոչվում էին քուրմ:
- 4) Հայկագուն նահապետներից Արամանյակի անունից առաջացել է Հայաստանի Արմավիր մայրաքաղաքի անվանումը:

20 Տերմինների կամ հասկացությունների բացատրություններից ո՞ր երկուսն են ճիշտ:

- ա. Ստեփան Զորյանի ղեկավարած մարմինը հայտնի էր «Ինքնապաշտպանության կարգադրիչ բյուրո» անունով:
 - բ. Բրեստ-Լիտովսկի բանակցությունների երկրորդ փուլում բոլշևիկների առաջ քաշած սկզբունքը հայտնի է «հաշտություն առանց բռնակցումների և ռազմատուգանքների» անունով:
 - գ. Առաջին աշխարհամարտի ժամանակ քեմալականների կողմից կազմակերպված Հայոց ցեղասպանությունը մարդկությանը հայտնի է «Մեծ եղեռն» անունով:
 - դ. Հակահամիդյան շարժման մեջ ազդեցիկ դիրք ունեցող երիտթուրքերի կազմակերպությունը կոչվում էր «Միություն և արդարություն»:
 - ե. Արևմտահայերի ազգային խորհրդի որոշումով կազմակերպվող զորամիավորը կոչվում էր նաև երկրապահ դիվիզիա:
- 1) գ, ե
 - 2) բ, դ
 - 3) ա, դ
 - 4) բ, ե

21 XI դ. վերջին ինչո՞ւ Արևմտյան Եվրոպայից խաչակիրները շարժվեցին դեպի Արևելք:

- 1) Ասորիքը և Պաղեստինը մահմեդականներից ազատագրելու համար
- 2) Միջերկրական ծովի հարավային առափնյա հարուստ շրջաններին տիրելու համար
- 3) Բյուզանդիային Իկոնիայի սուլթանությունից պաշտպանելու համար
- 4) Երուսաղեմի թագավորությանը տիրելու համար

22

Թվարկվածներից որո՞նք են Խորհրդային Հայաստանի գյուղատնտեսության կոլեկտիվացման գործընթացի իրական պատճառ կամ հետևանք:

- ա. Ի պատասխան համատարած կոլեկտիվացման՝ Դարալագյազի շրջանի գյուղացիները ապստամբեցին, իսկ նրանց պայքարը ղեկավարում էին նախկին խմբապետներ Մարտիրոսը և Ղարդաշխանը:
- բ. Գյուղացիների տեղաշարժերը կասեցնելու համար նրանցից խլեցին անձնագրերը:
- գ. Պետությունը հրաժարվեց համատարած կոլեկտիվացման կարգախոսից և գյուղացիական տնտեսությունների նկատմամբ սկսեց կիրառել հարկերի նվազեցման քաղաքականություն:
- դ. Դրա շնորհիվ գյուղացիության ճնշող մեծամասնությունը կամավոր անդամագրվեց կոլտնտեսություններին 1933-1935 թթ.:
- ե. Նյութական շահագրգռվածության լայնորեն կիրառման միջոցով կոլտնտեսություններն ապահովեցին տնտեսական վերելք:
- զ. Կոլեկտիվացման արդյունքում Հայաստանում 1930-ական թթ. վերջին կար 1000 կոլտնտեսություն:

- 1) բ, գ, դ
- 2) ա, բ, գ
- 3) բ, ե, գ
- 4) ա, գ, դ

23

Տրված իրադարձություններից ո՞րն է տեղի ունեցել չորրորդը՝ ըստ ժամանակագրական հաջորդականության:

- ա. Փոքր Հայքի և Ծոփքի ազատվելը Սելևկյանների գերիշխանությունից և անկախ հռչակվելը
- բ. Մագնեսիայի ճակատամարտը
- գ. Երվանդակերտ դաստակերտի կառուցումը
- դ. Ապամեայի հաշտության պայմանագրի կնքումը
- ե. Մեծ Հայքի գերագույն քուրմ Երվազի սպանվելը
- զ. Արտաշատ մայրաքաղաքի կառուցումը

- 1) բ
- 2) ա
- 3) դ
- 4) ե

24

Ո՞ր տարբերակում է ճիշտ ներկայացված տրված իրադարձությունների ժամանակագրական հաջորդականությունը:

- ա. Հովնան Խութեցու և Աշոտ ու Դավիթ Բագրատունիների գերեվարվելը
- բ. Բուդայի զորքի մտնելը Վիրք
- գ. Բագարատ Բագրատունու և Աշոտ Արծրունու զլիսավորությամբ արաբների վտարումը Տարոնից
- դ. Եկեղեցում թաքնված Յուսուֆի սպանությունը սասունցիների կողմից
- ե. Բագարատ Բագրատունու ձերբակալվելը
- զ. «Արյան լճի» մոտ տեղի ունեցած ճակատամարտը

- 1) գ, ե, դ, ա, զ, բ
- 2) դ, գ, ե, ա, բ, զ
- 3) գ, դ, ե, զ, ա, բ
- 4) գ, ե, ա, դ, բ, զ

25

Հայկական լեռնաշխարհի գետերը համապատասխանեցրե՛ք այն վայրերին, որոնցից դրանք սկիզբ են առնում և գտե՛ք ճիշտ տարբերակը:

- | | |
|---------------------|--------------------|
| 1. Ծովք լիճ | ա. Արևմտյան Եփրատ |
| 2. Ծաղկանց լեռներ | բ. Ճորոխ |
| 3. Խաչափայտի լեռներ | գ. Արևելյան Տիգրիս |
| 4. Սրմանց լեռներ | դ. Արևելյան Եփրատ |
| 5. Ծաղկավետ լեռներ | ե. Արաքս |
| | զ. Արևմտյան Տիգրիս |

- 1) 1-գ, 2-դ, 3-բ, 4-ե, 5-զ
- 2) 1-գ, 2-զ, 3-բ, 4-ե, 5-ա
- 3) 1-զ, 2-գ, 3-դ, 4-բ, 5-ա
- 4) 1-զ, 2-դ, 3-բ, 4-ե, 5-ա

26

Տարեթվերը համապատասխանեցրե՛ք իրադարձություններին և գտե՛ք ճիշտ տարբերակը:

- 1. Դաշնակցության երիտասարդական միության «ինքնավերացման» համագումարը
- 2. ՀՕՄ-ի գործունեության սկիզբը
- 3. Միջազգետքում ապաստանած հայերի երկրորդ խմբի ժամանումը Բաթում
- 4. ՀՕԿ-ի հիմնումը
- 5. Լոզանի կոնֆերանսի ավարտը

- | | |
|------------|------------|
| ա. 1922 թ. | դ. 1910 թ. |
| բ. 1925 թ. | ե. 1924 թ. |
| գ. 1923 թ. | զ. 1921 թ. |

- 1) 1-ե, 2-դ, 3-զ, 4-գ, 5-ա
- 2) 1-ե, 2-դ, 3-ա, 4-զ, 5-գ
- 3) 1-զ, 2-գ, 3-ա, 4-դ, 5-ե
- 4) 1-ե, 2-ա, 3-բ, 4-դ, 5-զ

27 Տրվածներից որո՞նք 1896 թ. հունվարի 30-ին Հալեպում կնքված հաշտության պայմաններից չեն:

- ա. Զեյթունում պետք է նշանակվեր բնակչության համար ցանկալի տեղացի կառավարիչ
- բ. օսմանյան կառավարությունը պարտավորվում էր ապահովել հայերի կյանքն ու գույքը
- գ. զեյթունցիները կարող էին պահել պաշտպանական նվազագույն քանակի զենք
- դ. հնչակյան գործիչները սեփական ծախսով պետք է հեռանային կայսրության տարածքից
- ե. օսմանյան կառավարությունը պարտավորվում էր զորքերը հետ քաշել Զեյթունից
- զ. տեղական պաշտոնյաները լինելու էին հայեր

- 1) ա, դ, զ
- 2) բ, ե, գ
- 3) ա, գ, դ
- 4) բ, գ, ե

28 Հայոց արքա Արտավազդ II-ը ե՞րբ է մահապատժի ենթարկվել:

- 1) Ք. ա. 30 թ.
- 2) Ք. ա. 31 թ.
- 3) Ք. ա. 33 թ.
- 4) Ք. ա. 32 թ.

29 ԽՍՀՄ դեկավարության կողմից ո՞ր օրը նշանակվեց Ինքնիշխան Հանրապետությունների Միություն ստեղծելու մասին պայմանագրի հանդիսավոր ստորագրումը:

- 1) 1991 թ. մարտի 17-ին
- 2) 1990 թ. հուլիսի 31-ին
- 3) 1991 թ. օգոստոսի 20-ին
- 4) 1991 թ. ապրիլի 22-ին

30 Ըստ իր գորքի քանակի՝ թվարկված նախարարական տներից ո՞րը չէր մտնում հազարավորների և բյուրավորների մեջ:

- 1) Կադմեա
- 2) Բզնունի
- 3) Սողացի
- 4) Բագրատունի

31 Ո՞վ է ընտրվել Ռուսաստանում ապրող հայերի պատգամավորական Կենտրոնական ժողովի նախագահ:

- 1) Սարգիս Մեհրաբյանը
- 2) Մկրտիչ Խրիմյանը
- 3) Նիկոլ Դումանը
- 4) Սիմոն Զավարյանը

32 Ո՞ւմ պատվին է ասվել հետևյալ խոսքը «Եռաբլուր» զինվորական պանթեոնում:

«Մեր հոգիները ցավում են ամեն մի անմահացման դեպքում, բայց մեր սրտերը գոտեպնդվում են մեր հերոսների վարքով, մեզ հաղորդում վճռականություն ու հաստատականություն»:

- 1) Սասուն Մկրտչյանի
- 2) Ռոբերտ Աբաջյանի
- 3) Արմենակ Ուրֆանյանի
- 4) Մոնթե Մելքոնյանի

33 Հայոց արքան ո՞ւմ է ներկայացրել հետևյալ պահանջը:

«... հնում Կեսարիայի ուրիշ տասը քաղաք մերն են եղել, ե՛տ տուր, Ուռհա (Եդեսիա) քաղաքն էլ մեր նախնիքն են շինել, ուստի, եթե չես ուզում, որ խռովություն ծագի մեր մեջ, ե՛տ տուր»:

- 1) Կոստանդինոս II-ին
- 2) Վաղեսին
- 3) Թեոդոսիոս I-ին
- 4) Վռամ IV-ին

34 Ո՞վ է մեջբերված խոսքերի հեղինակը:

«Պատերազմը, երևի, ամառը կվերջանա, և պատերազմից հետո կմեկնեմ Ամերիկա... կմնամ մի քանի տարի, մինչև որ բոլոր ամերիկահայերին վերադարձնենք հայրենիք... Հույս կա, որ թե՛ Ռուսաստանը, թե՛ Անգլիան ու Ֆրանսիան ուժ կտան մեր պահանջներին, և մոտ ապագայում կստեղծվի ազատ Հայաստան... »:

- 1) Ալեքսանդր Խատիսյանը
- 2) Արմեն Գարոն
- 3) Միմոն Վրացյանը
- 4) Հովհաննես Քաջազնունին

35 Տերմինների կամ հասկացությունների բացատրություններից որո՞նք են սխալ:

1. Հարկատու մեկ միավոր կազմող գյուղացիական ընտանիքը կամ գերդաստանը վաղ միջնադարյան Հայաստանում կոչվում էր երդ:
2. Դվին, ապա Պարտավ կենտրոնով արաբների ստեղծած վարչաքաղաքական միավորը հայտնի է Արմինիա փոխարքայություն անունով:
3. Բագրատունյաց Հայաստանում թագավորական տիրույթներից հավաքագրված ռազմիկներից կազմված զունդը կոչվում էր արքունական:
4. Մամլուքներ էին կոչվում Իկոնիայի սուլթանի անձնական զվարդիայում ծառայող գնված ստրուկները:
5. Լոռու թագավորության հիմնադիր Դավիթը ստացավ «Անհողին» մականունը, որովհետև փախել էր երկրից և զրկվել իր հողային տարածքներից:
6. Զարգացած միջնադարյան Հայաստանում քաղաքի այն մասը, որտեղ կառուցված էին նաև ազդեցիկ իշխանավորների և բարձր հոգևորականների պալատները, կոչվում էր միջնաբերդ:

36 **Տերմինների կամ հասկացությունների բացատրություններից որո՞նք են ճիշտ:**

1. Հայաստանի առաջին հանրապետությունում 1919-1920 թթ. քաղաքներում և գավառներում ներդրված համայնքային ինքնավարությունները կոչվում էին գեմատվոներ, որոնք նշանակովի մարմիններ էին:
2. Ս. Կասյանի նախագահությամբ Թիֆլիսում բոլշևիկների կազմավորած մարմինը, որը 1920 թ. նոյեմբերի 29-ին մտավ Հայաստան և երկիրը հռչակեց «խորհրդային սոցիալիստական հանրապետություն», կոչվում էր Հայաստանի Ռազմահեղափոխական կոմիտե:
3. Այն կազմակերպությունը, որի նախաձեռնությամբ Նյու Յորքում 1947 թ. ապրիլի 30-ից մայիսի 4-ը կայացել է Հայկական համաշխարհային կոնգրեսը, կոչվում էր Ամերիկայի Հայկական ազգային խորհուրդ:
4. 1978 թ. հունիսի 18-ին Հայոց ցեղասպանությունը դատապարտած մարմինը, որը կոչ արեց Թուրքիայի կառավարությանը ճանաչել այն, կոչվում էր Եվրախորհրդարան:
5. Հայ-ռուսական երևանյան բանակցությունների ավարտին նախաստորագրված փաստաթուղթը հայտնի է «Եզրափակիչ հաշտության պայմանագիր» անունով:
6. Հայաստանի խորհրդայնացումից հետո հանրապետությունում ստեղծված գործադիր իշխանության նոր մարմինները կոչվում էին ժողովրդական կոմիսարիատներ:

37 **Թվարկվածներից որո՞նք պատմական իրադարձությունների իրական պատճառներ կամ հետևանքներ չեն:**

1. Ք.ա. 92 թ. սկսված հռոմեա-պարթևական բանակցությունների արդյունքում Հայաստանի դեմ ուղղված պայմանագիր կնքվեց:
2. Տիգրան III-ից հետո, Հռոմի հետ համաձայնեցնելով, գահ բարձրացավ նրա որդի Տիգրան IV-ը, և այդ պատճառով թագավորեց որպես ոչ ինքնիշխան միապետ:
3. Հռանդեայի ճակատամարտում հռոմեացիների պարտությունը նպաստեց Հայաստանի նկատմամբ Ներոն կայսեր դիրքորոշման փոփոխմանը:
4. Տրդատ I-ի գահակալման վեցերորդ տարում՝ 76 թվականին, Մեծ Հայքի թագավորության խաղաղ կյանքն ընդհատվեց ալանների ներխուժման հետևանքով:
5. Հայոց արքա Վաղարշ II-ի հեռատես և հմուտ քաղաքականության շնորհիվ Հայաստանից հեռացվեցին հռոմեական լեգեոնները:

Թվարկվածներից որո՞նք են ռուսաստանյան առաջին հեղափոխության ժամանակ տեղի ունեցած հայ-թաթարական ընդհարումների հետևանքներ:

1. Աճեց Հայոց եկեղեցու՝ որպես ինքնապաշտպանության ղեկավարի, հեղինակությունը:
2. Սկսեց արձարծվել երկրամասի հայկական բնակավայրերը միավորելու և անկախ Հայաստան ստեղծելու գաղափարը:
3. Հնչակյանները մահափորձ կազմակերպեցին Գ. Գուլիցինի դեմ, որը նպաստեց ազգամիջյան կռիվների դադարեցմանը:
4. Ավելի գերիշխող դարձավ հայ ժողովրդի երկու հատվածների միասնականության գաղափարը:
5. Հայությունը ինքնակազմակերպվեց և մարդկային ու նյութական կորուստներ չունեցավ:
6. Հայերը պատրաստ էին հակահարված տալու իրենց ոչ բարյացակամ հարևաններին և պայքարելու սեփական իրավունքների ու գերակա նպատակների համար:

Տրված պնդումներից որո՞նք են սխալ:

1. Կրոնական վաղագույն հավատալիքները՝ բնապաշտությունը, ոգեպաշտությունը, հմայական մոգությունը, հելլենիզմի դարաշրջանում դադարեցին գոյատևել Հայաստանում:
2. Համահայկական առաջին թագավորության դիցարանում աստվածների գերագույն եռյակը կազմում էին Խալդին, Թեյշեբան և Շիվինին:
3. Նանե դիցուհու պաշտամունքի գլխավոր կենտրոնը գտնվում էր Բարձր Հայք նահանգի Եկեղյաց գավառի Թիլ ավանում:
4. Տիրը դպրության աստվածն էր, համարվել է Արամազդի քարտուղարը, գրի ու գրականության, արվեստի և գիտության հովանավորը:
5. Վանի թագավորությունում վիմագիր հաղորդումները տեղական լեզվով սկսել է կատարել Մենուա արքան, և դա շարունակել են նրա հաջորդ արքաները:
6. Հույն մատենագիր Հիպպոլիտիսը 234-235 թթ. գրված իր «Ժամանակագրություն» աշխատության մեջ հայերին հիշատակում է սեփական դպրություն ունեցող ժողովուրդների շարքում:

40 **Տրված փաստարկներից որո՞նք են ճիշտ:**

1. Հայրենական մեծ պատերազմի տարիներին ցուցաբերած սխրանքների համար ԽՍՀՄ հերոսի կոչում է շնորհվել 119 հայի և Հայաստանում ծնված կամ ապրած 11 այլազգիների:
2. Մոսկվայի ճակատամարտում ցուցաբերած անձնվիրության համար ԽՍՀՄ հերոսի կոչմանն արժանացավ կործանիչ ավիագնդի ավիաէսկադրիլայի հրամանատար Սերգեյ Բուռնազյանը:
3. Ստալինյան բռնաճնշումների զոհ են դարձել Կարմիր բանակի հայ զորահրամանատարներ Հայկ Բժշկյանցը, Գրիգոր Խախանյանը, Սուրեն Շահումյանը, ավիացիայի մարշալ Արմենակ Խանփեդյանցը և ուրիշներ:
4. 1945 թ. մայիսի 28-ին ՀՀ նախկին վարչապետ Հ. Օհանջանյանը դիմել է Ստալինին, Ռուզվելտին և Չերչիլին՝ խնդրելով ջանքեր գործադրել հայ ժողովրդին հուզող հարցը լուծելու համար:
5. Հայկական 409-րդ դիվիզիան կովել է Ռումինիայում, Հունգարիայում, Լեհաստանում և Չեխոսլովակիայում, կազմացրվել է 1945 թ. հունիսի 2-ին Հունգարիայում:
6. Պատերազմի ժամանակ հայ զինվորականներից մեկը եղել է ռազմաճակատի, 3-ը՝ բանակի, 6-ը՝ կորպուսի, 28-ը՝ դիվիզիայի, 25-ը՝ բրիգադի, իսկ ավելի քան 100-ը՝ գնդի հրամանատար:

41 **Ո՞ր իրադարձությունն է խախտում տրված շարքի ժամանակագրական հաջորդականությունը:**

1. Մ. Փորթուգալյանի վտարվելը Վանից թուրքական իշխանությունների կողմից
2. Հնչակյան կուսակցության Կարինի և Տրապիզոնի մասնաճյուղերի ստեղծումը
3. ՀՅԴ-ին Հնչակյան կուսակցության միանալու մասին համաձայնագրի կնքումը
4. Գում Գափուի ցույցը
5. «Դրոշակ» թոռցիկ թերթի առաջին համարում ՀՅԴ հռչակագրի հրապարակումը
6. ՀՅԴ առաջին ընդհանուր ժողովի գումարումը

42 **Իրադարձությունները դասավորե՛ք ժամանակագրական հաջորդականությամբ:**

1. ՀՀ-ի և ՌՄԴԽՀ-ի միջև համաձայնագրի ստորագրումը Թիֆլիսում
2. Գ. Նժդեհի ուժերի կողմից Գորիսի ազատագրումը բոլշևիկյան զորքերից
3. Հայաստանի առաջին հանրապետության զինանշանի մասին օրենքի հաստատումը
4. Ալեքսանդրապոլում թուրք-հայկական հաշտության բանակցությունների սկսվելը
5. Անկարայում ֆրանս-թուրքական զինադադարի ստորագրումը

--	--	--	--	--

43 Կատարե՛ք համապատասխանեցում:

- Ա. Հռոմկլայի մանրանկարչության դպրոցի նշանավոր ներկայացուցիչ
 Բ. Միսի մանրանկարչության դպրոցի նշանավոր ներկայացուցիչ
 Գ. Գոշավանքի նշանավոր խաչքարագործ վարպետ
 Դ. Գլաձորի մանրանկարչության դպրոցի նշանավոր ներկայացուցիչ
 Ե. Սկևռայի մանրանկարչության դպրոցի նշանավոր ներկայացուցիչ

1. Մոմիկ
2. Գրիգոր Մլիճեցի
3. Թորոս Ռոսլին
4. Ներսես Մշեցի
5. Պողոս
6. Սարգիս Պիծակ

Ա	Բ	Գ	Դ	Ե

44 Իրադարձությունները համապատասխանեցրե՛ք տարեթվերին:

- Ա. 1827 թ. սեպտեմբեր
 Բ. 1827 թ. հոկտեմբեր
 Գ. 1826 թ. սեպտեմբեր
 Դ. 1826 թ. հուլիս
 Ե. 1827 թ. օգոստոս

Ա	Բ	Գ	Դ	Ե

1. ռուսական զորքի հաղթանակը պարսից զորքի նկատմամբ Գանձակի մոտ
2. Օշականի ճակատամարտը
3. ռուսական զորամասերի մուտքը Թեհրան
4. Սարդարապատի գրավումը ռուսական զորքերի կողմից
5. ռուսական զորամասերի մուտքը Թավրիզ
6. պարսից զորքի ներխուժումը Արցախ և Շուշիի բերդի պաշարումը

45 Տրված վեց պնդումներից յուրաքանչյուրի համար ընտրե՛ք «Ճիշտ է», «Միայն է», «Զգիտեմ» պատասխաններից որևէ մեկը:

1. Պարսից արքա Խոսրով I-ը իր երկրում սկսված ապստամբությունը ճնշելու նպատակով ռազմական օգնություն էր խնդրել Բյուզանդիայի կայսր Մավրիկիոսից:
2. Արևելյան Հայաստանում Վարդ Պատրիկից հետո կառավարել են պարսիկ մարզպաններ, այնուհետև՝ հայոց իշխան ՄԺԺ Գնունին:
3. Հայոց եկեղեցին պահպանել է Քրիստոսի մի բնության մասին դավանաբանությունը՝ հենվելով տիեզերական առաջին չորս ժողովների վճիռների վրա:
4. Հայոց իշխան Գրիգոր Մամիկոնյանի խաղաղ կառավարման տարիներին Հայաստանի կախումը Արաբական խալիֆայությունից ձևական բնույթ ուներ, իսկ վճարվող հարկը չնչին էր՝ 500 դահեկան:
5. 536 թ. օրենքով Արևմտյան Հայաստանի նախկին նահանգներից և հայկական հինգ ինքնուրույն իշխանություններից ստեղծված Երրորդ Հայք նահանգի կենտրոնը Մելիտինեն էր:
6. Դվինի 554 թ. ժողովում ուղենշվել է Հայոց եկեղեցու դավանաբանական ինքնուրույնությունը:

46

Տերմինների կամ հասկացությունների բացատրություններից որո՞նք են սխալ:

- ա. Առաջին աշխարհամարտի Կովկասյան ճակատում հայկական II–V կամավորական խմբերից ստեղծված միացյալ զորամիավորը հայտնի է «Արարատյան գունդ» անունով:
- բ. Թորգոմի գլխավորությամբ 1903 թ. ամռանը Սասունին օգնության հասած ձիավոր խումբը կոչվում էր «Փոթորիկ»:
- գ. Այն մարմինը, որը Արամ Մանուկյանին Թիֆլիսից Երևան էր գործուղել և նրան օժտել արտակարգ լիազորություններով, կոչվում էր Հայոց ազգային խորհուրդ:
- դ. Կովկասյան ճակատում 1918 թ. գարնանը կովող ռուսական զորամիավորումը հայտնի էր «Կարս» անունով:
- ե. Միջազգետքի ճակատում 1918 թ. թուրքերի դեմ կռված հայկական զորամիավորը կոչվում էր Արևելյան (Հայկական) լեգեոն:
- զ. Այն մարմինը, որին Մ. Սարաֆյանը ներկայացրեց Հայաստանի ազատագրության իր կազմած ծրագիրը, կոչվում էր Ռուսաստանի արտաքին գործերի կոլեգիա:
- է. Հայկական կամավորական ութ ջոկատներից 1916 թ. վերակազմակերպված վեց զորամիավորները կոչվում էին հայկական հրաձգային գումարտակներ:

- 1) ա, գ, զ
- 2) բ, դ, է
- 3) ա, դ, է
- 4) բ, գ, է

47

Թվարկվածներից որո՞նք են բնորոշ Խորհրդային Հայաստանում 1960-1970-ական թթ. գործունեություն ծավալած այլախոհներին:

- ա. խորհրդային իշխանություններից պահանջում էին պահպանել օրենքները
- բ. խորհրդային իշխանությունների դեմ պայքարում էին ուժային միջոցներով
- գ. նպատակ ունեին վերացնելու կոմունիստների մենիշխանությունը
- դ. խորհրդային իշխանություններից պահանջում էին պահպանել ԽՍՀՄ Սահմանադրությունը
- ե. համախմբվել էին հայկական պատմական տարածքները վերադարձնելու գաղափարի շուրջ
- զ. ընդունում էին պաշտոնական արժեքները, սակայն մերժում էին խորհրդային օրենքները
- է. նպատակներից էր անկախ Հայաստանի ստեղծումը
- ը. պայքարում էին մարդու իրավունքների պաշտպանության համար

- 1) բ, գ, է
- 2) գ, զ, ը
- 3) ա, դ, է
- 4) գ, է, է

Պատմական իրադարձությունների պատճառներից կամ հետևանքներից որո՞նք են սխալ:

- ա. VII դարի կեսերի արաբական նվաճողական պատերազմների հետևանքներից էր Սասանյան տերության և Բյուզանդիայի կործանումը:
- բ. Կիլիկիան վերանվաճելու համար Հովհաննես Կոմնենոս կայսրը Ռուբինյան իշխանության դեմ 1137 թ. սկսեց պատերազմ:
- գ. Արճեշի ճակատամարտում հայ ապստամբներն ունեցան զգալի կորուստներ. զոհվեցին Բագրատունյաց, Մամիկոնյան, Գնունյաց և Բագում այլ տոհմերից նախարարներ, ինչպես նաև ռամիկներ՝ մոտ երեք հազար հոգի:
- դ. Սահակ Պարթև կաթողիկոսի ջանքերի շնորհիվ Շապուհ III–ը Կամսարականներին ու Ամատունիներին վերադարձրեց իրենց տոհմական տիրույթները:
- ե. Վարդանանց պատերազմի շնորհիվ հայոց երկիրը պահպանեց իր ներքին ինքնուրույնությունը:
- զ. Մի խումբ հայ նախարարների և փառամոլ երեց Սուրմակի բողոքի ու չարախոսության արդյունքում Արտաշեսը զրկվեց գահից, իսկ Սահակ Պարթևը՝ կաթողիկոսությունից:
- է. Հայ–վրացական համագործակցության շնորհիվ սելջուկներից ազատագրվեցին Հայաստանի հյուսիսային, կենտրոնական և հարավային հատվածները:
- ը. Անիի Բագրատունիներին ենթակա թագավորությունների առաջացման պատճառներից էին զարգացած միջնադարին բնորոշ ավատատիրական մասնատվածությունը և հայ իշխանների կենտրոնախույս ձգտումները:

- 1) բ, գ, զ, ը
- 2) ա, բ, դ, ը
- 3) գ, է, զ, է
- 4) ա, գ, դ, է

49

Թվարկվածներից որո՞նք են պատմական իրադարձությունների իրական հետևանքներ կամ արդյունքներ:

- ա. 1806–1812 թթ. պատերազմի արդյունքում Ռուսաստանին անցան Բեսարաբիան և Փոթին:
- բ. Գյուլիստանի պայմանագրով Ռուսաստանին անցան Շամշադինը, Գանձակը, Լոռին, Շիրակը, Ղարաբաղը և Փամբակը:
- գ. Ադրիանուպոլսի պայմանագրի արդյունքում Ռուսաստանը ձեռք բերեց նաև Ախալքալաքն ու Ախալցխան:
- դ. Բեռլինի պայմանագրով Ռուսաստանը ձեռք բերեց Կարսը, Կադովանը, Օլթին, Ալաշկերտը:
- ե. 1724 թ. Կոստանդնուպոլսի պայմանագրով Ռուսաստանը տեր դարձավ մերձկասպյան տարածքներին:
- զ. 1877–1878 թթ. ռուս–թուրքական պատերազմի արդյունքում ձևավորվեց նաև Տրապիզոնի մարզը:
- է. 1828–1830 թթ. ընթացքում մոտ 110 հազար հայեր վերաբնակվեցին Արևելյան Հայաստանի՝ Ռուսաստանին անցած տարածքներում:
- ը. Փարիզի հաշտության պայմանագրով Ռուսաստանը թեև պահպանեց Ղրիմ թերակղզին, սակայն հրաժարվեց Արևմտյան Հայաստանում գրաված հողերից:

- 1) բ, գ, ե, ը
- 2) ա, դ, է, ը
- 3) բ, դ, գ, է
- 4) ա, գ, ե, է

50

Ըստ ժամանակագրական հաջորդականության՝ թվարկված իրադարձություններից ո՞րն է տեղի ունեցել վեցերորդը:

- ա. թյուրք–սելջուկների առաջին արշավանքը Հայաստան
- բ. Փիլարտոս Վարաժնունու իշխանության ստեղծումը
- գ. Սմբատաբերդ լեռան մոտ հայ բնակչության կոտորածը
- դ. Վանանդի թագավորության անկումը
- ե. թուլամորթ թագավոր Հովհաննես–Սմբատի մահը
- զ. Օումբ գյուղի մոտ տեղի ունեցած ճակատամարտը
- է. Գող Վասիլի իշխանության ստեղծումը
- ը. թյուրք–սելջուկների երրորդ արշավանքը Հայաստան
- թ. Ապլդարիպ Արծրունու նշանակվելը Կիլիկիայի կառավարիչ
- ժ. Մանազկերտի ճակատամարտը

- 1) դ
- 2) ժ
- 3) ը
- 4) գ

51

Թվարկված իրադարձություններից ո՞րն է տեղի ունեցել հինգերորդը՝ ըստ ժամանակագրական հաջորդականության:

- ա. Մուշի հայության ինքնապաշտպանության սկիզբը Հակոբ Կոտոյանի գլխավորությամբ
- բ. Սարիղամիշի ճակատամարտի ավարտը, թուրքական զորքի ջախջախումը
- գ. Շատախ գավառի կենտրոն Թաղի ինքնապաշտպանության սկիզբը
- դ. Խեչոյի և իր 150 հեծյալների մուտքը Վան
- ե. Վանի Այգեստան թաղամասի ինքնապաշտպանության սկիզբը Ա. Եկարյանի ղեկավարությամբ
- զ. Դիլմանի ճակատամարտը
- է. օսմանյան Թուրքիայի ներքաշվելը Առաջին համաշխարհային պատերազմի մեջ
- ը. Արամ Մանուկյանի նշանակվելը Վանի նահանգապետ
- թ. անգլո-ֆրանսիական ռազմական ուժերի կողմից Կ. Պոլիսը գրավելու նպատակով Դարդանեղի գործողության իրականացման սկիզբը

- 1) թ
- 2) ե
- 3) ը
- 4) գ

52

Հայաստանի կոմկուսի կենտկոմի առաջին քարտուղարների անունները դասավորե՛ք նրանց պաշտոնավարման ժամանակագրական հաջորդականությամբ և գտե՛ք ճիշտ տարբերակը:

- | | |
|-----------------|---------------------|
| ա. Ս. Թովմասյան | ե. Գ. Հարությունյան |
| բ. Ա. Խանջյան | զ. Ս. Հարությունյան |
| գ. Ամատունի | է. Կ. Դեմիրճյան |
| դ. Յ. Զարոբյան | |

- 1) բ, գ, ե, ա, դ, է, զ
- 2) գ, բ, ա, է, զ, դ, է
- 3) բ, գ, ե, ա, զ, դ, է
- 4) բ, է, ա, զ, դ, է, գ

53

Մեծ Հայքի Արշակունյաց գահակալների անուններին համապատասխանեցրե՛ք գահակալման տարիները և գտե՛ք ճիշտ տարբերակը:

ա. Վաղարշ I	1. 88–110 թթ.
բ. Սանատրուկ	2. 185–198 թթ.
գ. Տրդատ II	3. 198–215 թթ.
դ. Տրդատ I	4. 216–252 թթ.
ե. Վաղարշ II	5. 66–88 թթ.
զ. Բակուր Արշակունի	6. 161–163 թթ.
է. Խոսրով I	7. 117–140 թթ.
	8. 88–117 թթ.

- 1) ա–7, բ–1, գ–3, դ–5, ե–8, զ–6, է–2
- 2) ա–6, բ–5, գ–4, դ–1, ե–2, զ–7, է–3
- 3) ա–7, բ–1, գ–4, դ–5, ե–2, զ–6, է–3
- 4) ա–7, բ–1, գ–4, դ–5, ե–3, զ–6, է–2

54

Տրված փաստարկներից որո՞նք են ճիշտ:

- ա. Երևանի 1724 թ. հերոսական պաշտպանությունը Հովհաննես Հունդիբեկյանի, Պողոս Քեչիբեկյանի և ուրիշների գլխավորությամբ տևել է երեք ամսից ավելի, իսկ այդ ընթացքում թուրքական բանակը կորցրել է ավելի քան 20 հազար զինվոր:
- բ. Արցախի ազատագրական ուժերը 1723 թ. թուրքական բանակի դեմ համատեղ պայքարի պայմանագիր են կնքել Գանձակի մահմեդականների հետ:
- գ. Եղվարդ գյուղի մոտ 1736 թ. հունիսին տեղի ունեցած ճակատամարտում Նադիրի բանակը ծանր պարտության մատնեց օսմանցիների զորքերին:
- դ. Հովհաննես Թուրունջի վարդապետը մահտեսի Շահմուրատի հետ, հայկական պատվիրակության կազմում, 1683 թ. ժամանել էր Փարիզ:
- ե. Կ. Պոլսում 1861 թ. Հ. Վարդույանի գլխավորությամբ ստեղծվել է հայկական առաջին արհեստավարժ թատրոնը:
- զ. Լազարյան ճեմարանը ժամանակին եղել է Ռուսաստանյան կայսրության միակ արևելագիտական բարձրագույն ուսումնական հաստատությունը:
- է. Պետերբուրգում 1809 թ. ռուսերենով լույս է տեսել Մովսես Խորենացու «Հայոց պատմություն» աշխատությունը:
- ը. Հայտնի պատմաբան Լեոն պատմագրության մեջ պահպանողական ուղղության հետևորդ էր և գրել է Հայոց պատմության բոլոր շրջանների և հիմնախնդիրների մասին:

- 1) ա, դ, գ, է
- 2) բ, դ, ե, ը
- 3) ա, գ, գ, ը
- 4) բ, գ, գ, է

Տրվածներից որո՞նք են ճիշտ արտացոլում Կիլիկյան Հայաստանի պետական կարգի բնութագրական կողմերը և առանձնահատկությունները:

- ա. Կանցլերը գլխավորում էր արքունի քարտուղարությունը և թագավորի առաջին խորհրդականն էր:
- բ. Պետության կառավարման գլխավոր մարմինը արքունիքն էր, որի մեջ մտնում էին արքունի խորհուրդը, բարձրագույն դատական ատյանը և գործակալությունները:
- գ. Խնամակալության գործակալությունը ստեղծվել էր թագավորության հռչակումից հետո:
- դ. Թագավորի անչափահասության դեպքում պայլը իրականացնում էր ոչ միայն նրա, այլև ամբողջ երկրի խնամակալությունը:
- ե. Մենեսկալը տնօրինում էր արքունի եկամուտները և ծախսերը:
- զ. Թագադիր գործակալությունը ստեղծվել էր Ռուբեն III-ի օրոք:
- է. Սպասալարը արքունական հեծելազորի հրամանատարն էր և սպարապետի անմիջական տեղակալը:

- 1) ա, գ, է
- 2) բ, գ, է
- 3) ա, դ, զ
- 4) բ, դ, է

Ընտրե՛ք ճիշտ պնդումները:

- ա. Համադաշնությունների համակարգը բնորոշ էր Հայկական լեռնաշխարհին՝ սկսած Ք. ա. IV հազարամյակից:
- բ. Մենուայի առաջին քայլերից մեկն էր Հայկական Պար լեռնաշղթայի արևելյան հատվածում ամրապնդվելը, որի գրավումից հետո էլ նա հիմնում է ռազմավարական խոշոր հենակետ Մենուախինիլի քաղաքը:
- գ. Ռազմական ոլորտի բարեփոխումների շնորհիվ Իշպուինին Ք. ա. 820-ական թթ. սկզբին ընդլայնեց թագավորության սահմանները Ուրմիա լճի ավազանի հարավում՝ ներառելով Արդինի-Մուսասիր երկիրը:
- դ. Արգիշտի I-ի օրոք Վանի թագավորությունը հասավ աննախադեպ հաջողությունների՝ վերածվելով Առաջավոր Ասիայի հզորագույն ուժի:
- ե. Արգիշտի II-ը, թեև գահ բարձրացավ դժվարին ժամանակաշրջանում, սակայն կարողացավ զարկ տալ քաղաքաշինությանը, արհեստներին ու առևտրին, հիմնեց կամ վերակառուցեց բազմաթիվ ամրոցներ, անցկացրեց նոր ջրանցքներ:
- զ. Ռուսա III-ի իշխանության շրջանից մեզ հասած արձանագրությունները հայտնաբերվել են Արարատյան դաշտի և Վանա լճի արևելյան շրջանների հնավայրերից:
- է. Հայկական լեռնաշխարհի հարավ-արևելքում Ք. ա. VII դարի առաջին կեսին վերականգնված Հայկագունների իշխանությունը համապատասխանում է սեպագիր աղբյուրների Արմե-Շուբրիա պետական կազմավորմանը:

- 1) ա, գ, է
- 2) բ, դ, զ
- 3) գ, դ, է
- 4) բ, գ, զ

Կատարե՛ք համապատասխանեցում և գտե՛ք ճիշտ տարբերակը:

Պաշտոն

1. ՀՄԽՀ արտակարգ կոմիսար Ղարաբաղում
2. Կապանում և Սիսիանում տեղի ունեցած հակախորհրդային ապստամբության ղեկավար
3. Փարիզի վեհաժողովում ՀՀ պատվիրակության ղեկավար
4. ՀՄԽՀ Ժողկոմիտեի նախագահ
5. ՌՍԴԽՀ արտաքին գործերի ժողկոմի տեղակալ
6. Հայաստանի խորհրդի նախագահ
7. ՀՀ զինվորական նախարար

Անուն

- | | |
|-------------------------|----------------------|
| ա. Թևան (Ստեփանյան) | ե. Լևոն Կարախան |
| բ. Սահակ Տեր-Գաբրիելյան | զ. Պողոս Տեր-Դավթյան |
| գ. Ասքանազ Մռավյան | է. Ավետիք Սահակյան |
| դ. Ռուբեն Տեր-Մինասյան | ը. Ավետիս Ահարոնյան |

- 1) 1-բ, 2-դ, 3-է, 4-զ, 5-ե, 6-ը, 7-զ
- 2) 1-զ, 2-զ, 3-ը, 4-բ, 5-ե, 6-է, 7-դ
- 3) 1-զ, 2-զ, 3-ը, 4-դ, 5-բ, 6-է, 7-ե
- 4) 1-զ, 2-ա, 3-ը, 4-է, 5-բ, 6-է, 7-դ

Ընտրե՛ք ճիշտ պատասխանները:

«Յոթ ազատ արվեստների» Քառյակ ենթահամակարգը ներառում էր՝

1. ճարտասանությունը
2. երկրաչափությունը
3. տրամաբանությունը
4. աշխարհագրությունը
5. թվաբանությունը
6. աստվածաբանությունը
7. երաժշտությունը
8. քերականությունը
9. աստղագիտությունը

Տերմինների կամ հասկացությունների բացատրություններից որո՞նք են ճիշտ:

1. Մեծ Թուրանի ստեղծման պանթյուրքական ծրագրի իրագործման առաջին փուլը կոչվում էր թուրքիզմ, որը ենթադրում էր թուրքացնել Օսմանյան կայսրությունը, Կովկասի մեծ մասը և Թուրքմենստանը:
2. Կովկասի կառավարչապետ Գ. Գոլիցինի փոխարեն նշանակված Ի. Վորոնցով-Դաշկովի պաշտոնի անվանումն էր Կովկասի փոխարքա:
3. Հայկական հարցի լուծմանը նպաստելու համար 1912 թ. հոկտեմբերին ստեղծված համագգային նոր մարմինը կոչվում էր Ազգային պատվիրակություն:
4. Ցարական Ռուսաստանի կողմից Անդրկովկասում ստեղծված և Շամախի կենտրոնով վարչական միավորը կոչվում էր Կասպիական մարզ:
5. Հայկական պետականության վերականգնման այն նախագիծը, ըստ որի Ռուսաստանի օգնությամբ ազատագրված Հայաստանը պետք է հռչակվեր խորհրդարանական հանրապետություն, հայտնի է «Հյուսիսային ծրագիր» անունով:
6. Արևելյան Հայաստանի ամբողջ տարածքն ընդգրկող և 1828 թ. ստեղծված վարչական միավորը կոչվում էր Հայկական մարզ:
7. Ժամանակավոր կառավարության կողմից Արևմտահայաստանի գեներալ-կոմիսարին հասցեագրված գաղտնի փաստաթուղթը կոչվում էր «Ղեկավար հրահանգներ»:
8. Առաջին հայդուկները հայերի նկատմամբ թուրքական իշխանությունների կողմից նոր բռնությունների առիթ չտալու նպատակով հաճախ ներկայացել են որպես քրդեր և հանդես եկել «չելլոներ» կոչվող քրդական կառավարական ջոկատների կազմում:
9. Ֆրանսիայի, Անգլիայի և Ռուսաստանի կողմից կազմված և սուլթան Համիդ II-ին հանձնված նախագիծը ստացել էր «Մայիսյան բարենորոգումների ծրագիր» անունը:

Գտե՛ք ճիշտ պատասխանները:

Հայաստանում «Ռազմական կոմունիզմի» քաղաքականության կիրառման արդյունքում՝

1. պետությունը հրաժարվեց տնտեսական կյանքին միջամտելուց
2. երկու ամսում հայկական բանակից հեռացվեցին ավելի քան 1700 սպա և զինծառայող
3. Դրոն ազատվեց ՀՍԽՀ Կարմիր բանակի հրամանատարի պաշտոնից
4. ձերբակալվեցին ՀՀ նախկին վարչապետներ, խորհրդարանի անդամներ, իսկ զորահրամանատարներ Սեբաստացի Մուրադը և Նիկոլայ Ղորղանյանը սպանվեցին բանտում
5. բնամթերային հարկաձևը փոխարինվեց դրամական հարկաձևով
6. հայկական բանակի մոտ 500 սպաներ աքսորվեցին Ռուսաստանի Ռյազան քաղաքի համակենտրոնացման ճամբարներ
7. տեղի ունեցավ ժողովրդական լայն զանգվածների ապստամբություն

Պատմական իրադարձությունների պատճառներից կամ հետևանքներից որո՞նք են ճիշտ:

1. Համահայկական առաջին թագավորության անկմանը նպաստեցին նաև հյուսիսից հայտնված և երկիրն ասպատակող սկյութները:
2. Վանի թագավորությունում ստրուկների թվաքանակը հիմնականում ավելանում էր բնական ճանապարհով, ինչպես նաև պարտքի դիմաց և հանցագործների ստրկացման եղանակով:
3. Գավգամելայի ճակատամարտում Աքեմենյան Պարսկաստանի զորքերի պարտության հետևանքով ձևավորվեց Մելևկյան հսկայածավալ աշխարհակալությունը:
4. Երվանդ II–ը գլխավորել է Աքեմենյան տերության դեմ մի քանի սատրապների ապստամբությունը, որի անհաջողությունից հետո ապաստանել է Հունաստանում:
5. Փոքր Ասիայում բռնկված պատերազմի ավարտից հետո Արտաշես I–ը հաշտության պայմանագրում կարողացավ հատուկ կետ մտցնել, որի շնորհիվ Պոնտոսի հաշվին ընդարձակվեց Մեծ Հայքի տարածքը:
6. Արտաշատում կնքված դաշինքի համաձայն՝ հայկական զորքերը Ք.ա. 93 թ. գրավեցին Կապադովկիան, սակայն մեկ տարի անց ստիպված եղան հեռանալու այնտեղից:
7. Խառանի ճակատամարտում պարթևական զորքերի պարտությունը նպաստեց Առաջավոր Ասիայի քաղաքական քարտեզի փոփոխմանը:
8. Զելայի ճակատամարտում հռոմեական զորքի պարտությունից հետո վերականգնվեց հայկական գերիշխանությունը Ասորիքում և Միջերկրական ծովի ափերին:

1. Կարա-Յուսուֆի կառավարման օրոք Արցախում, Սյունիքում, Գուգարքում, Վայոց ձորում, Գեղարքունիքում և այլ շրջաններում հայ իշխանական տների ներկայացուցիչները վերականգնեցին իրենց իշխանությունն ու վարչական կառավարումը:
2. XVII դ. առաջին կեսին միայն զեյթունցիները պարտավորվեցին օսմանյան իշխանություններին վճարել տարեկան որոշակի հարկ և պահպանեցին իրենց ներքին ինքնուրույնությունը:
3. Մելիքները պարտավոր էին իրենց տիրապետության սահմաններում ճնշել խռովարարներին, պատերազմի ժամանակ իրենց զորքերով ներկայանալ շահին և պաշտպանել երկրի սահմաններն օտար հարձակումներից:
4. Հայերի բռնագաղթի միջոցով որակյալ արհեստավորներ ու երկրագործներ փոխադրելով ու բնակեցնելով Իրանի ներքին շրջաններում՝ շահ Աբասը նպատակ ուներ զարկ տալու իր երկրի տնտեսության զարգացմանը:
5. Հայոց նախարարական համակարգում գործել է «Իմ վասալի վասալը իմ վասալն է» ենթակայության ավատատիրական սկզբունքը:
6. Մխիթար Գոշի «Դատաստանագիրքը» ծառայեց հասարակական կյանքի բոլոր բնագավառները կարգավորելուն շուրջ 500 տարի:
7. Վաղ միջնադարյան Հայաստանում ազատ և կախյալ գյուղացիները ունեին որոշ սեփականություն՝ գյուղական համայնքի հողից մասնաբաժին, տուն, գյուղատնտեսական գործիքներ, անասուններ:
8. Բագրատունյաց Հայաստանում փոքր գործերի դատավարությունը կատարվում էր եկեղեցական ժողովների մշակած կանոններով ու սովորութային իրավունքով:
9. Օսմանյան թուրքերը Կոստանդնուպոլիսը գրավելուց հինգ տարի հետո թույլատրեցին այնտեղ հիմնադրել հայոց պատրիարքություն, որի ղեկավարը հաստատվում էր սուլթանի կողմից:

1. Հայկական լեռնաշխարհում վաղագույն տիեզերագիտական գիտելիքները հայտնի են դեռևս քարի դարի վերջին փուլում փորագրված ժայռապատկերներից:
2. Շամի մասին տեղեկանում ենք, որ նա այնքան հզոր էր, որ կարողացել էր ապաստան տալ սելևկյան տիրակալի դեմ ապստամբած նրա եղբորը:
3. Համահայկական առաջին թագավորության մշակույթն իր բազմաբնույթ ազդեցությունն է տարածել Հայաստանից դուրս՝ հասնելով Հունաստան, Իրան, Կովկաս և այլուր:
4. Մարդուրի I-ի օրոք արհեստավարժ բանակի կազմում առանձնացվեց «արքայական գունդը»՝ հեծյալ զորամիավորներից բաղկացած ուժերը:
5. Հռոմում ստեղծված Առաջին եռապետության անդամներն էին Մարկոս Կրասոսը, Հուլիոս Կեսարը և Գնեոս Պոմպեոսը:
6. Համահայկական երկրորդ թագավորության անկումը համապատասխանում է բուն հելլենիզմի ավարտի ժամանակաշրջանին:
7. Խորենացին վկայում է, որ հայերը ոչնչացնում են Մենոն զորավարի բանակը, իսկ նրան «խեղդամահ անում», որից հետո Ալեքսանդրը նոր զորք չի ուղարկել Հայաստան:

1. 1857 թ. Կ. Պոլսի ուսումնական խորհրդի անդամներ Ն. Ռուսինյանը, Գ. Օտյանը, Ս. Վիչենյանը (Սերվիչեն), Ն. Պալյանը և ուրիշներ մշակել են արևմտահայ համայնքի ներքին կյանքին վերաբերող մի կանոնադրություն և ներկայացրել համայնքի ընդհանուր ժողովի հաստատմանը:
2. 1863 թ. մայիսի 24-ին Կ. Պոլսի Ազգային ընդհանուր ժողովը հաստատել է արևմտահայերի կանոնադրությունը:
3. Ուսուցիչ Արսեն Կրիսյանի և զինագործ Պետրոս Հայկազունու գլխավորությամբ 1869 թ. Ալեքսանդրապոլում ստեղծվել է «Բարենպատակ ընկերություն» խմբակը:
4. 1882 թ. նոյեմբերի վերջերին թուրքական ոստիկանությունը հայտնաբերել է Կարինի «Պաշտպան հայրենյաց» կազմակերպությունը և բանտարկել շուրջ 170 մարդու:
5. Մկրտիչ Խրիմյանի շնորհիվ, ով 1867 թ. դարձել էր Կ. Պոլսի հայոց պատրիարք, Ազգային սահմանադրությունը գործադրվել է Արևմտյան Հայաստանի բազմաթիվ գավառներում:
6. 1883 թ. ապրիլին Կարինում տեղի է ունեցել «Պաշտպան հայրենյաց» կազմակերպության անդամների դատավարությունը, որին անձամբ հետևել է սուլթան Աբդուլ Համիդ II-ը:
7. 1890 թ. Թավրիզում դաշնակցության հիմնադրած «Խարիսխ» զինագործական արհեստանոցը վերածվել է զենքի արտադրության կարևոր կենտրոնի:
8. 1907 թ. Անդրանիկը հեղինակել է «Մարտական հրահանգներ» կանոնագիրքը:

65

Գտե՛ք այն երկու իրադարձությունները, որոնք խախտում են տրված շարքի ժամանակագրական հաջորդականությունը:

1. Հայոց կաթողիկոսական աթոռի փոխադրումը Հռոմկլա
2. Միսի դառնալը մայրաքաղաք
3. Ռուբեն III-ի կառավարման ավարտը
4. Միրիոկեֆալոնի ճակատամարտը
5. Սարգիս Ջաքարյանի՝ ամիրսպասալարի պաշտոն ստանալը
6. Խաչակրաց երրորդ արշավանքի սկիզբը
7. Թամար թագուհու կառավարման ավարտը
8. Սալահ ադ Դինի կառավարման ավարտը
9. Լևոն II-ի և Բոհեմունդ III-ի միջև հաշտության պայմանագրի կնքումը Սիսում

66

Իրադարձությունները դասավորե՛ք ժամանակագրական հաջորդականությամբ:

1. Հռադամիզդի փախուստը Արտաշատից կնոջ հետ
2. Տիգրան VI-ին գահընկեց անելը
3. փոքրաթիվ զորաջոկատով Տրդատի հեռանալը Ատրպատական եղբոր՝ Բակուրի մոտ
4. Ներոն կայսեր գահակալման սկիզբը
5. Արտաշատի ավերումը Կորբուլոնի կողմից
6. Հռոմում կայսերական վարչակարգի հիմնումը
7. Տարոն գավառում հայ ազնվականի՝ Կորբուլոնին սպանելու փորձը

--	--	--	--	--	--	--	--

67

Իրադարձությունները դասավորե՛ք ժամանակագրական հաջորդականությամբ:

1. ՀՀ Գերագույն խորհրդի սահմանադրական հանձնաժողովի ստեղծումը
2. ԼՂԻՄ-ում Հատուկ կառավարման կոմիտեի վերացումը
3. «Կոլցո» («Օղակ») ռազմական գործողության իրականացումը Գետաշենում
4. «Հայկական ԽՍՀ-ի և Լեռնային Ղարաբաղի վերամիավորման մասին» համատեղ որոշման ընդունումը
5. ՀՀՇ առաջին համագումարի բացումը
6. երեք պետությունների ղեկավարների կողմից Բելովեժյան արգելանոց-անտառում ԽՍՀՄ-ի վերացման և ԱՊՀ-ի ստեղծման մասին հայտարարելը
7. Զորի Բալայանի կողմից հացադուլի հայտարարումը Մոսկվայում և Վիկտոր Համբարձումյանի ու Սոս Սարգսյանի միանալը նրան

--	--	--	--	--	--	--	--

Հեղինակների անունները համապատասխանեցրե՛ք մեջբերված խոսքերին:

- Ա. «Քաջությամբ մեռնենք մեր աշխարհի և մեր ազգի համար»:
 Բ. «Առնում էին ոչ թե ինչպես վայել է արքունի արժանապատվությանը, այլ ավագակաբար հափշտակելով, այն աստիճան, որ իրենք էլ մեծապես զարմանում էին, թե մի տեղից որ այսքան գանձ է դուրս գալիս, էլ ինչպե՞ս է շեն մնում այդ աշխարհը»:
 Գ. «... եղավ աստվածագիտության լույսի դուռ և բազմազան բարիքների երջանիկ օրինակ»:
 Դ. «...եթե կարողանաս հաղթել նրանց և պարտադրես ծառայելու, ես նրանց թիկունքը չեմ պաշտպանի»:
 Ե. «Եվ տիրապետեց նա բազմաթիվ բերդերի և գավառների Վայոց ձորի, Խաչենի և Փառիսոսի սահմաններում՝ ավելի, քան իր եղբայրը, և չկար մեկը, որ սարսափ պատճառեր Հայաստանին»:
 Ջ. «Ո՛ր հասանէ գիտութիւն, ուր ոչ հասանէ բնութիւն»:
 Է. «...հնուց հայերեն գիր է եղել», ինչը «վկայվեց Լևոն արքայի ժամանակ, քանզի դրամ գտավ Կիլիկիայում՝ դրոշմված հայերեն գրով... Հայկազուն թագավորների» անուններով:

1. Կորյուն
2. Դավիթ Անհաղթ
3. Փավստոս Բուզանդ
4. Վարդան Արևելցի
5. Ղևոնդ
6. Մովսես Կաղանկատվացի
7. Ասողիկ
8. Եղիշե

Ա	Բ	Գ	Դ	Ե	Ջ	Է

Զբաղեցրած պաշտոնները համապատասխանեցրե՛ք անուններին:

- | | |
|---------------------|------------------|
| Ա. Դ. Բեկ-Փիրումյան | Ե. Մ. Պապաջանյան |
| Բ. Մ. Սիլիկյան | Ջ. Անդրանիկ |
| Գ. Գ. Տեր-Ղազարյան | Է. Հ. Զավրյան |
| Դ. Թ. Նազարբեկյան | |

1. Անդրկովկասյան հատուկ կոմիտեի անդամ
2. Առանձին հայկական կորպուսի «Երևանյան գորախմբի» հրամանատար
3. Էրզրումի պաշտպանական շրջանի ղեկավար
4. Անդրկովկասյան կոմիսարիատի կոմիսար
5. Առանձին հայկական կորպուսի հրամանատար
6. «Թուրքահայաստանի» գլխավոր կոմիսարի տեղակալ
7. Հայկական կորպուսի կոմիսար
8. Սարդարապատի ջոկատի հրամանատար

Ա	Բ	Գ	Դ	Ե	Ջ	Է

Տրված վեց պնդումներից յուրաքանչյուրի համար ընտրե՛ք «Ճիշտ է», «Միսալ է», «Չգիտեմ» պատասխաններից որևէ մեկը:

1. Խորհրդային իշխանությունը 1920-1930-ական թթ. միջամտում էր Հայոց եկեղեցու բոլոր գործերին. արգելեց ճեմարանի վերաբացումը, 1925 թ. հատուկ որոշումով արգելեց նաև եկեղեցու կողմից Հայոց եղեռնի օրվա նշումը և այլն:
2. Մեծ եղեռնի հիսնամյա տարելիցի օրը Երևանում տեղի ունեցան զանգվածային ցույցեր և հանրահավաքներ. Երևանում նման զանգվածային ելույթներ եղան նաև 1980-ական թթ. վերջին:
3. Խորհրդային Հայաստանից 1949 թվականին մոտ 15 500 հայ, որպես քաղաքականապես անհուսալի, արտորվել է հիմնականում Ալթայի երկրամաս:
4. ՀԿ(Բ)Կ կենտկոմը 1938 թ. օգոստոսի 4-ին որոշում ընդունեց Էջմիածնի վանքը փակելու մասին, սակայն Մոսկվան չհաստատեց այն և հաջորդ տարի թույլատրեց նոր կաթողիկոս ընտրել:
5. ԽՄԿԿ կենտկոմի 1953 թ. հուլիսի 2-ին կայացած լիագումար նիստում ձերբակալվեց ներքին գործերի նախարար Լ. Բերիան և քննվեց նրա հանցավոր գործունեության մասին հարցը:
6. Հայաստանի Հանրապետության Սահմանադրության երկրորդ փոփոխությունները հաստատվել են հանրաքվեի միջոցով՝ ՀՀ նախագահական վեցերորդ ընտրություններից հետո: